



謝先生文集卷第九

古詩歌行

謝太守荅詩萊州



園齋掩書扉，踈竹間風韻。兀坐無所爲，仰高方
苦峻。關關兩喜鵲，如以捷來獻。疑其喜過常，精
爽抑何頓。謂當有嘉賓，結駟問原憲。不然親交
書萬里，來問訊。何意二千石，新書爛盈卷。使者
入衡門，紅光十餘仞。衣冠出蓬室，再拜望城闕。
開緘列宿動，芒角相輝煥。捧讀未終篇，欽降已

三嘆譬如涉春波渺不知涯岸又若驚雷霆但
覺目眩轉誰言匹夫窮陋巷一簞飯篋有無價
珍貴于青玉案昨者鄙俚辭惟求指瑕置敢期
明月珠傾寫殊不恪重重借褒譽許與良過分
酷愛愚且直還憐貧且困惟人最難知聖哲其
猶恨自非明如日安得物無遁程孔昔中途邈
逅適所願傾蓋畢所懷日西不知倦聖賢欣道
合萬古直一瞬淒涼千載餘此道誰復振未聞
似今日曾不拜公前願遇過所親思知久彌浚

重念樛散材平生慕忠順青衫百僚末言言
所適若其愛君心豈以爵祿辨謂宜爲民上必
與同喜愠謂宜食君祿寧當復私徇刀斧且滿
前斯誠豈磨磷千載幸一時岩廊拱堯舜夔臯
豈無人共鯨偶未竄眷委一失真聰明不無亂
出令以便民動皆爲深患疲羸歿饑凍重負遭
囚絆奔逃苟自活父子潛分散以天征不義如
以雨蘇旱簞食迎王師東征西夷怨未聞百萬
帥戈鋌日持玩南取十數洞西開五六郡府庫

爲一空白骨成龍斷大臣弄權柄生殺在顧盼
威福不有歸佞邪尚何憚公忠獲罪咎正直招
訶譴幽悲鬱不伸變異以頻見陰陽爲之沴淫
潦仍乾曠方且頌太平長歌事賡贊天子九重
門深居拱間燕人人懷欺匿比周相引荐以俠
觀此時綱維一何紊滔滔恐皆溺心竊擬手援
是以屢上章指陳幾欲徧初雖蒙嘉納終不離
讒間棄逐來窮馭星霜兩經閉簪紳滿朝著大
半嗟掛擯誰爲憫窮高粟帛推餘羨誰爲念孤
獨齒牙借餘論重傷棄逐久不敢畧自辯高堂
有單親日久庭闈戀同時得罪人一赦皆從便
惟茲尚遠斥不許歸寧覲擬扣閭闔門明殿紫
宸殿恨無可言路勇決固所斷嗟嗟道云亾丈
夫兒女懦勢利同險熾風雲借餘便誰非顧金
錢誰非思達宦孳孳顧理義惻惻念寒峻如公
今幾人百世紹休聞

謝曹公

螻蟻有統治羽鱗知所宗是知君臣初直與太

極同子之於其父成性天所鍾因其親愛心以
養日益恭平居竭勤瘁患難忘厥躬不擇艱與
易那知通與窮至於事其君是乃孝之中未聞
吾父間誠敬有卑崇孔子故有言移孝斯爲忠
殺柔不離草蠶魚其類虫皆能衣食人生世曾
不空類乃備萬物陰陽資粹冲學問必唐虞儋
禮樂生熊子世乃無補將何辨靈龜五帝道尊
化醇醪皆由諸大臣汲引相追瞻帶哉
物類靈巧爲心誠邪醜正直党與交訛攻

上者以爲說
卷八
志懷其利口銳戈才危機峻臨衝贊正欲自
保孤羊拳狼叢那家欲常寧西駕而求東聖宋
會明良盈成紹熙隆寔寔逾百年稍稍追古風
嘉魚烝罩汕兒駑在疊深中間忽紛更新進爭
鋒鏃豈顧君與民致身惟穹窿已酉乙丑間羣
類何夢夢有蔽過重雲其毒如蠱蚤誰敢正一
議酒茲謀猶印公誠社稷臣識見何瞳瞳端方

屹以立千巒一危峯幽林馥猗蘭雪霜茂長松
俠以踈拙身趨時良慙春彛者有所陳狂言幾
怙終所犯斧鉞誅寬仁頓天衷未幾遽昭雪還
歸祿更豐毫釐未裨報已愧羔羊縫矧乃素鄙
賤無階望門墉未委何所長能如粲投邕星車
未鞅脫鸚荐俄天通朝廷嘉讜言固已可公奏
秩滿禪再陳推恩非獨後蓋以歷任淺欲進難
爲驟譬如升階梯等級言無終且以罪累人頓
此無愆咎有祿幸及親非徒養體口端然坐屏

無復事奔走雖曰去親膝會不遠厚祿坦途
五短驛安問連旦晝如此奉溫清不殊居左右
平生最知幸獲附諸儒後學問雖不深是非幸
無吝知心在所養禦欲如禦寇耳目諸玩好常
如對塵垢惟有學問心終年憂不售今茲足優
游永日詩書囿人固有通塞譽亦隨美醜惟有
片純誠于身可長久平生所遊歷昭如認星斗
吉凶繫行違成毀由慵懋于心既不疑人來爲
明剖十中一二悟亦足長福祐况茲山水清人

西坡先生文集 卷之九
物多奇秀加以託下風長如飲醇耐人之于子
弟親愛關慈友至于力維持未必能再復乃知
大賢心生成卽高厚知其遠方歸偏親已皓首
不忍重違去誓甘老藜糗又以家素貧無田事
耕得四第三云亾若身無足肘聚指幾四百居
前半孤幼委曲爲之慮過其自營構士之所大
患志與時不偶時與志兩得百中而一有益以
世感深直僞相紛針黃絲在口舌巧令工迎奏
擦臂視聽下非明孰能定門下無寸武蹤跡非

素性一旦游論拔如射之有段惟以勳所爲期
以勸紳綬天下本無事欲治多紛操惟是舉措
頗嘉苗不如莠履易以尊戴冠簪斯踐蹂助天
繫寵綏宜民惟在宥人如公用心勸不由賞購
有冽甘井泉清深玉其甃未觀縞長綆大施如
川溜區區一方部不幾慕其收于蹉鬱輿望無
路達旒黈作詩道尊光庶幾傳不朽

觀孔義甫與謝致仕詩有感

人生足清閑天下第一福惜哉聲與利舉世方

逐逐君子耀軒裳小人腴口腹霜雪滿頤頤
競心更速誰如東山後清風千載續仁孝實天
成聰明乃幾燭弱冠揖高科聲華光煜煜騏驥
駕夷途千里在舉足歲未再周天官先上應宿
皇華屢更指間請分符竹端介奉高明慈仁撫
犖獨施設妙通神歡謳道相屬一旦遽上章幡
然謝羈束古人蒞官政五十日艾服公年未五
十懇請竟從欲緬彼倂與到進退遺佳躡三掛
就恩榮一辭託巖谷由公任以觀其庶無愧慙

東臯我田園負郭予室屋兒姪幾百人圖史逾
千軸親舊既周旋閨門更雍穆賓來酒一樽興
來基一局吟嘯動烟雲詩書到僮僕寧知地有
仙但見人如玉乃覺世間人爲生何局促譬如
方汚垢對之獨薰沐孔公當代賢宜其欽愛酷
慷慨出長篇情殷語重複日日動歸思浩浩見
林麓何意蒙鄙人幸茲一觀羈當筵頓忘味如
聽簫韶曲平生粗意氣自初得書讀每見古聖
賢心常自程督知身是罪根每每自鋤斲如彼

善稼穡去草茂嘉穀深嘉達世網有若囚脫桎
惟茲素艱貧事與心反覆歷官二紀周一紀投
南隩歸時異去時聖主恩霽霽方欣到家鄉足
覺愁慮簇高堂皓垂白甘旨不饒沃四弟兩背
亾未言他骨肉繼又喪一弟三房等窮感不數
姆與婢孤孀十有六薄業支半年十飯猶五菽
蕭然夏秋際甚者日食粥人惟有父子恩親家
室睦惟其有君臣禮義朝廷肅二者苟有違三
靈其誅戮况茲生聖辰熙隆遇堯壘艱虞兇兵

少小遊庠覽青春被恩擢名姓粗揚暴執非
累聖德師誨而君牧中問更狂妄天聽常輕瀆
云云不少已竟致御史鞫所負鼎鑊輕收意尚
收錄日月忽中天湛恩俄濯浴父子實再逢君
臣亦敦復新恩胡爲報舊過云何贖父母教子
勤羽括而礪鋤朝夕望乃成榮顯被親屬慈烏
於反哺知以報生鞠學術不寸施猶之玉韞匱
千載邁明良不能少負輻是生天地間曾不如
草木以此望明公雲中一鴻鵠

送陳守仁入太學

父子本天性至恩無比倫矧公之尊府子舍公
一身料從少小來迨茲壯有室未嘗越旬月遠
去慈親膝借問今何之千里具行裝荅言爲道
藝憤悱趨上庠有客前獻言惟道若大路駕子
天神明賢聖在舉步幽堂列墳典周孔以爲師
學成名亦遂且不離庭闈荅云子言善在予非
不知父母生我身劬勞靡不爲垂昏俾之學外
不與毫絲乃今有室家兒女髮已束分寸無所

立何以酬顧復如彼甲與乙名高聲後科又

丙與丁祿位今崖我皆予親友予獨無所就

是以不寧居忙於賈求售昔者三千徒負笈洙

泗濱孟軻遠遊學母老仍家貧尚違晨昏侍以

就德業新蓋以慈愛心惟期已成達男子四方

志安能戀房闈客前賀曰都事固無必非子志

乃如此顧予安得知在家事多奪遠大非可必

大孝在顯親爲子解羈馬日月如逝波無方可

維繫陶侃惜分陰仲尼猶不及自古力道業寸

啓重琳璆子今道所出處處足澆浮陽和達京
輦士女方春遊百寶粧樓臺歌喉珠宛轉惱亂
巧迎逢偏能伺方便平生足持守到此總不見
又有非輩流頻頻甚鷲斯顧盼借顏色談咲懷
奸欺從容樽酒間留連碁局上英豪俊傑心鮮
不由此放子今志者大思慮宜蚤正慎子之朋
儕力與光陰競由此期顯親昊天其斯應

臘月十八日呈子京

歲去如奔馬殘日寸有三姪爲當嫁女甥是未

婚男昂然狠俗併殊非力所堪嗟予本支離
事素不叅東林書一架西榻經一函如是歲月
深吻舌如滕緘惟有陶淵明常欲共清談林頭
酒盈壺亦欲同醺醺二十一二間煩事如掃芟
期使堂下空宴笑同所耽清尊酌宜深古語交
嶄岩夜久燈熒熒金波忽東南歲宴獨優游庶
幾爲不亡

示潮州吳宅三甥

大郎性純淑至寶受磨琢二郎姿秀美白璧光

閃爍三郎神照藏宛若雛在殼五彩翔鳳翰參
差見斑駁三人吾令甥亦嘗從吾學昊穹有顯
通報應無舛錯未有祖慶厚而招子孫薄二親
又善教曾不閑飲啄甥雖多似舅三子自超卓
爲文要恨理覽古務詳博不惟子三人萬世同
矩護慎勿學舅癡直指世奸惡心雖在規益世
誰受忠諤立身既不危青雲在挈攬

示女子

吾生鮮兒女汝次今居首柔惠少語言天性非
剛強女生必有適二親非終守既嫁又他州安
能長相就幸然汝夫賢純淑真汝偶出門夫其
夫禮律其來久汝姑吾之妹姑夫爲汝舅事舅
如事父事姑如事母三者無所闕汝則無大咎
門內有尊親門外有親友歲時或餽助祭祀合
奔走一一無間言乃可逃父醜治家在勤儉臨
財戒多取誦經味其理聖心良可究卽事念慈
和無但勞吻味善看育與瞻二子吾珠鍙汝嫁
旣違鄉吾遷又遠趣東去十八程西來二十九

三四千里間吾視堂猶牖人生否與泰正若夜
隨晝但當道無虧不媿載與覆憶昨汝初生時
吾心有負以爲臣事君卽是子事父閨門有危
難誰不在惇疚推其愛父心誰不得前剖幸爲
男兒身許國自結綬安能冷眼看終不一開口
封章車十上夫豈避鼎谷南州雖譴逐萬死蒙
恩宥行行出國門母馬吾徒步汝生未三月正
當時裸乳雪片落鵝毛霜簷懸凍溜汝母歛汝
身寒風裂雙肘嗚嗚僅逾時籠糲不敢吐殘春
到庚所歲卯俄及丑汝時年十二稍稍近針縷
是歲真龍躍重明登九五湛恩被遐荒漸漬到
枯朽拜命走親庭便道從海浦旣見汝姑賢汝
乃吳氏婦我乃緣他人譴斥循其舊人皆念再
逐道路或攢皺或以臣子心等視如榮授人生
無常難憤勵亦何有况茲尋前道復見迎賢墩
旬月得相聚天與幸誠厚君命不可緩病已斯
馳驟南北出靡常惟祈各寧壽舉足念其身行
幽如白晝又當夙夜間警戒其君子神靈依正

直惟仁孝是佑書信或往來知汝無病苦爲婦
洎爲母皆不處人後定當舉家歡相慶酌大斗
勝彼淚滂沱臨期一盃缶

六鏢助潮士鍾平仲納官輒辭贈以詩

揭陽繁富州鍾子處城閑怡然保清操不與世
俗換豪家富廩使鼠雀嫌陳爛鍾子無田園豈
糴供哺旦甲第闢公門奴僮立如雁鍾子無使
令其子供饋盡無妻備組紉無婢奉炊爨市屋
十數椽屢商是隣畔暝陰滋蟲蝨飛屑落几案

委委鬱不通揮扇尚流汗絃調不輟

瀟漫文章有星斗胸臆藏璀璨何殊盛衰冠
坐干塗炭下藥百十包垂腐皆逾半經年無人
顧蛛網潛滋蔓苦李十數株採摘亦素幹此外
乃一無兒女不蔽虧固非人所堪隨分亦侃侃
何意官物租添輸告踰貫太守爲學校芹苳思
樂泮買田番萬年供給期無岸誰人不樂輸我
獨無計辦此時私愁憂幾至方寸亂我身困長
途脫身自投窳聞此心惻然不覺潛浩嘆六鏢

聊助君驚股難廣獻聊欲分子憂使免頰勾喚
知子謂子貧不知謂衿慢斯則朋遊愆此時那
可斷子猶重辭讓揖拜如戰汗急取慎勿辭六
鑲如六萬

再到吳子野歲寒堂

再到歲寒堂仍登歲寒閣閣上與堂前物物皆
如昨缺幹偃虬龍雲峯日噉壑文章有神力壁
面光彩錯主人歲寒翁古意何淡薄山肴具樽
酒析喜爲我酌高論寫胞懷千弩射鯨鱣連

有寶龜靈通非火府靈感酬答有以資笑諧
想翁賓去後前局餘徐鑰萬卷羅目前舒卷良
自若盛著一掛風邪寒一爐藥備然去與來一
個無住着我亦淡泊人世味唧咀嚼無種不取
嘗畢竟何美惡但聞歲寒風便覺世醒齷今茲
翁如龍看彼昔人蠖今茲翁如鴻視彼皆籠縛
故願歲寒翁高救歲寒脚踏坐百千年看春華
秋落無令木石心長笑人脆弱

和孔義甫送謝丈致仕

公本神仙人眸子如點漆少年富詞學胸府羅
星日千鄰告飢糴靡不售所乞清時登臚仕直
以名駕實非若勢利徒志意隨纓綬舜立皋益
來文興閔泰出途遼天地間千載茲會一神皇
直聖神尊策期盡屈何意羣慮平惟思進身疾
然否差毫厘屢愁冤騰萬室天聰竟下聽罪已逾
帝乙公時如巨龍盤泊蝦蟇窟孰不念澤施天
人共欣憚寧知未艾服懇懇乞骸骨不免使衆
疑爲高臺遺物應思世役役耽徇窮終沒寧殊

鷄與鷓一飽歸且尉

聞風清是甘守三壘

古交行

大海有時竭此心瀝不乾厚地有時坼此心無
裂文持此以相照百鍊青銅昏用此以相惠貝
璧黃金盤觀面有餘歡背面無間言德義以相
高慶譽以相先千古似一日萬里如同筵此爲
金石交誰與知者論

教子孫讀書

水在盤盃中可以鑑毛髮盤盃若動搖星日亦

不察鏡在臺架上可以照頰面臺架若動搖眉
目不可辨精神在人身水鏡爲擬倫身定則神
凝明于烏兔輪是以學道者要先安其身坐欲
安如山行若畏動塵目不妄動視口不妄談論
儼然望而畏暴慢不得親淡然虛而一志慮則
不分眼見口卽誦耳識潛自聞神焉默省記如
口味耳珍一遍勝十遍不令人艱辛

次韻种道行衙賞蓮花

城中勢利如聚蛙聒聒鼓鬧窮兩衙忽聞携樽

命眞實如見地涌金蓮花况茲危亭跨高爽極
目四顧窮天涯紅蕖綠繞幾數畝盛粧翠蓋相
撐拳與肩不換足已到咫尺異彼窮幽遐居之
自可換凡骨不必飲露餐朝霞堂堂露澗不戶
牖非此非彼無追賒幸時有酒共酩酊不爾一
啜先春茶楸枰小小較勝負徃徃笑語成謹譁
歸來清風恐飄帽月影已向西樓斜長舒兩脚
就枕簟一覺已聽清晨笳

賦公悅席上事送周如京

逢世路分

疑

歸洛陽有客邂逅樵溪曲高談傾

蓋萬珠璣相對崇朝惟不足武陽太守山簡徒

喜賢樂事天下無爲客留公駐斯須精庖饌玉

歌貫珠坐中賓客皆豪傑凜凜清風生頰舌性

情浩浩談云云不待酒味旣凜冽逡巡行幕如

風翻二妹新出屏幃間一人捧心餘故態對客

悄悄眉峯攢一人襜裾半雲霧仙袂應曲飄飄

舉解作陽關意外聲舊人只把花聊數此霄嘉

會世所稀席上更覽周侯詩彫金有格但聞說

不覽新集那得知侯于周侯非甚舊朋友十

識公九此公情別事如何反覆清篇選執手

韜虎畧何處藏却向吟筆呈鋒鏃堪作太平祥

瑞錄將軍白首弄篇章

贈雲門居士

雲門山口雲徘徊居士道與山崔嵬清時肥遁

古亦有驚猿怨鶴今誰偕居士高臥白雲堆山

門時爲猿鶴開溪花野少自春色雲芝石笋寧

須栽軟蒸抱石傾新醅麋鹿慣我還無猜寧知

玉署思賢切御手調羹待客來

送聲父

羅浮主人袁公發備才逸氣千人傑二子軒昂
有父風妙年趣向天然別邑之子弟亦好儒遠
來迎子求師模子非往教求卽應龜筮有決前
光字春風正好偕行樂子如徒爾摩人別扶輪
從此卜亨途回謝早汗膏寥廓爲我展歸園
君奪人所好非前聞

謝太守

二月近滴水成凍威稜稜帝雖乘虛利發生今
猶行冬重嚴凝鴛鴦皆遷喬忽人谷魚已弄煖翻
藏冰此時草木亦成愁祇恐不得達其萌吁嗟
羈窮影雪形安得忽然如無情明良會合千載
遇乃以罪棄投荒荆單親萬里頭應雪不得朝
晚奉甘馨闔嶺之南方弄兵殺氣殊與生成爭
旣不能輔助聖時使咸若又不得慷慨帝前效
昔人之請纓詩書滿腹浪自飽一句不得推而

行身雖兀坐心惕驚愁緒忽起填胸膈但聽曠
野深林調調刁刁如有神號鬼泣聲真江太守
真慈明惠施每每先單焚眼前突兀雙玉瓶滿
貯玉液清冷冷拜公之賜未敢傾不覺失笑三
閨生不學憔悴思濁醒哺糟啜醢隨其朋往往
一飲一石五斗解醒被人呼作生劉伶雖然遇
酒而酩酊心不汝醉神亦寧開樽又飲太守德
和氣坐覺生齋楹不知凝冽自何去至于愁思
皆自澄乃知春功亦不遠緘封祇在甌與盃安
進爾披重雲謁見白日臨青雲習習扇
九壤枯枝朽質爭敷榮風雨時春香手聖君萬
壽寰海清細草輕煙日邊路風聲細細可聽
有耳不聞聲與鉦有目不識旗與旌聖功浩蕩
不可名

上曹大夫

客從南英到揭陽十有五年困長道囊資空竭
奴僕愁氣象塵埃顏貌老天矜窮悴幸有緣太
守曹公看客好孤舟薄艤卽趨門一笑相迎見

懷抱道途險易人佚勞俄頃咨詢無不到旌軒
雍容屈臨顧袖出緘封相燕勞舍舟東溪宅西
湖西湖風光盡不如是日佳筵在連理賓從翕
集何舒徐太斗所酌真醍醐珍肴異果瓊瑤鋪
巨觴漱灑巡數勸惟恐不醉非賓娛別有芙蓉
對芳席五幹十花圖在壁萬龍齊幹玉森森回
看華軒籠翠碧熙熙臺上柳青青衆樂亭前松
植植爾乃盤桓四十日尊壘時展情無斃不知
海內爲主人幾人似公而好客觀公政治誠有
倫合居廊廟居海濱子厚在擢南臺欣文翁在
蜀西鄙馴天心帝意誠念遠故爲遠俗迂良臣
願公不日居陶釣大開東閣羅冠紳烹庖鼉龍
脯麒麟布被底下臥平津天涯地角盡陽春

醉翁行贈梨師醇

金峯醉翁七十九行步龍鐘面鰲垢惟有滿腹
奇文章日月爭新無老醜頰舌鏘洋言不苟咳
唾成珠須信有兩眼如星照耀人見客偏明儼
如舊問翁壯年愛棊酒邇日還如昔時否曰予

懷抱道途險易人佚勞俄頃咨詢無不到旌軒
雍容屈臨顧袖出緘封相燕勞舍舟東溪宅西
湖西湖風光盡不如是日佳筵在連理賓從翕
集何舒徐太斗所酌真醍醐珍肴異果瓊瑤鋪
巨觴瀲灩巡數勸惟恐不醉非賓娛別有芙蓉
對芳席五幹十花圖在壁萬龍齊幹玉森森回
看華軒籠翠碧熙熙臺上柳青青衆樂亭前松
植植爾乃盤桓四十日尊壘時展情無斃不知
海內爲主人幾人似公直好客觀公政治誠有
倫合居廊廟居海濱子厚在柳南豈欣文翁在
蜀西鄙馴天心帝意誠念遠故爲遠俗迂良臣
願公不日居陶釣大開東閣羅冠紳烹庖鼉龍
脯麒麟布被底下臥平津天涯地角盡陽春

醉翁行贈梨師醇

金峯醉翁七十九行步龍鐘面鰲垢惟有蒲腹
竒文章日月爭新無老醜頰舌鏘洋言不苟咳
唾成珠須信有兩眼如星照耀人見客偏明儼
如舊問翁壯年愛棊酒邇日還如昔時否曰予

不戰猶好看日飲常能傾一斗因持棊酒前就
翁明日壺漿復予就朱君貧苦亦好奇接續携
持窮清晝城中遑遑競趨走覲面草草忘親友
幾人尊俎暫從容笑傲松篁弄花柳寧知北郭
子三人繼日相從辰到酉龐眉皓髮常溫然相
見妙齡眉目秀惜哉才高命蹇成遺滯四十餘
年州縣吏棄之林野混漁樵徒使知音動嗟咽
愚聞天道高遠不容人測度無柰人能樂其樂
故有鼓琴重闢行歌遺逸浩然克塞不以世俗
瑣屑累寥廓愚觀翁之子孫詵詵絕絕此其後
慶爲不薄世俗母以翁老生輕心須知此翁頭
白面黧而英心義氣天地不得而銷鏤

江亭與程瞿二君邂逅小飲太守送酒因

成

蒼翠擎天江上山淙琤瀉玉亭前水邂逅相逢
坐上人傾蓋論心何俊偉涼風颯颯來几筵似
與清談相表裏程瞿軒軒古遺義憫我羈窮見
辭氣以爲此時無一杯直恐江山解相鄙旋呼

奴僮滌鑿勺豆肉盤蔬隨所恃三盃五盃復七
盃清興悠悠殊未已復向行舟尋果餌鱸莖擬
欲求諸市豐殺佳饌來使庖巨長鱸間珍脆
逡巡長呵下雲際傳以報謁迂千騎薄問江滸
清飲歡歸去瓊漿遽來賜大哉何公古循吏易
俗移風有深致人之所背公所趨正以敦薄醇
醪爲己事連英二城接彊理舊績新庸滿人耳
道塗廣載盡歡謹冠佩清言有餘美

送杜靖國知連州

杜氏世德光無前聲華行實相輝鮮黃之職也
在刀七親舉罰爵平公廷預之間見合左氏春
秋大法因粲然詩爲郡守稱杜母南陽之人今
尚傳如晦作相猶民天忠誠蹇蹇終始全能令
大君思不已輟瓜奠祭情拳拳子美大雅三千
篇昭昭勸戒日月懸其人骨朽邈于祀至今聞
望猶當年我宋龍興撫嘉運杜家孫子隨飛奮
坤馬承乾禁掖清傳霖蘇早華夷潤邇來文武
百羣中詵詵杜姓多翹俊靖國少年卽竒絕雄

文常倍千人傑投書天府一不意却掃雁蕩不
復出懷材抱道良自珍售以連城爲折閱中年
不忍自棄置以蔭調官南海尉手提頑臆授州
將海盜爲之潛喪氣塵埃從此免低顏倏忽十
年今擁旆憶昨建康臨市征公於吾父爲交承
兒童不敢求見面卓犖但聽馳英聲爾後凡歷
逾半紀投荒乃得親君子孤舟抵岸卽登門見
我有悲兼有喜所悲竄逐萬里來豺狼得路忠
信埋長穴爲黃泉今聞吾未振汝良悠哉所

謂我一門吏一年三黜剛愈銳投身湯火何所
求所憂爲君不爲己况復吾爲汝父孰世人不
淺汝吾姪此那人物粗熙熙賤司慈明州守德
汝雖投竄實汝福天子神聖終汝直丈夫秉德
貴不回窮達自天非汝職公言令人益慷慨一
接已見真顏色韶光波逝不暫停年華兩見新
堯曆可憐情義如一朝向人睽睽終無極外臺
差注重求材天子急人方旰旻丹書鳳口下九
霄捧詔治行何烜赫昨日紅蕖醉幕賓今朝皂

蓋賢州伯官雖衙尉丞位乃二千石羈人無以
報恩知請爲使君申八德一曰公心與衡鑑無
情同朔方裴俠號獨立背公之私無髮容青州
趙琰絕囑託貴要書來投水中二曰寬量須江
海爲盜盪并州陳泰但懷撫未嘗愠怒形于顏
南陽劉寬抑又甚蒲鞭示恥犯者難三曰信舌
端常與心相印九江宋君每聽政平旦日中猶
不紊并州郭茂合野亭爲與羣兒期郭曰
患有如雨露時

五日清本堂在堂中有水武昌何遠思律貪沒
并投錢非買名合浦孟嘗亦無欲還珠碧淵清
所徵六曰正端如標表行其徑北海朱邑雖篤
舊至于狂曲終無轉直萊陽震畏四知行不欺
幽此爲盛七曰明昭如日月東西行冀州賈琮
去帷裳百姓聞之政自行雍士李惠善審斷彈
鷺坐知禽鳥情八曰毅鎮浮靜躁溫而厲汴州
齊澣非肆刑清嚴自我人皆治濠州張福不可

犯以重自持人自畏此之八德人有一鳴絃按
堵皆千室能于八者具有之使君之才非世出
使君有政教必本之學校蜀人夷陋早已甚文
翁之化于今好使君有詩筆莫詠閑風月追還
雅頌聲太平吟詠性情思補闕使君有車馬莫
賞閑山水時行郊外問樵耕民間利病須詳委
莫輕喜莫輕怒輕喜於人火上水輕怒於人鏡
前霧莫狐疑莫輕信狐疑多至敗良謀輕信定
令姦小進大凡當局常多迷使君臨事其慎之

紀連守植道傍木

天欲雨異時經濟非公誰

道傍木夾道參參如合屋種之毫末成合抱太
守慈仁輔生育古來善政盖有數道路開通亦

其目在右矣先除翳穢平險阻堅固橋梁便臚舳何爲

萬柯隨曲直化此長龍被崖谷由吾太守愛民

深孜孜利民惟不足以爲烈日長道難其身加茲嶺

外炎暑酷黃茅鬱蒸之烈氣重嵐固結之濃毒

不得清陰縈且紆何處憇息而躑躅令如源泉
下斯行長原太山秀可掬桐榕楓果隨所遇惟
其茂密佳蔭速何公之心父母心後人當如子
孫續勿剪勿拜勿拘斲蠹朽使可添新綠

示廬山寺老勝師

離鄉十九年日有如年久歸來山水亦依然人
物存亡半非舊廬阜之前我舅宅此寺如我東
西家每來舅家必到此舅自齒稚今疎牙頰嶺
闕山四千里青衫猶在日長始築臺東望幾樓

涼竟故蒲前爭不喜下相逢自謂人非我非
疎非故新執手之言行處親是以還家一百二
十日五回松下問禪因此身非我身有君有父
有神有民俯仰回環知有待古之人居不黔突
行不已輪師佳無佳我動非動來不須迎去不
須送袞散會離百年一夢大千沙界等閒言尋
常只把毫端弄

次韻子發勸酒

子真依前家谷口無地栽禾只栽柳否亭千態

古難常與物浮沉兒女詭鷗鵬海伏而天飛鷗
鷗林棲惟一枝迂談濶論偶相識千世一遇非
爲遲君看大星希雲霓又看朝濟雷雨隨天之
神力豈不大若豐若約無定姿况夫人物在宇
宙無異蠅蟻停盃厄生亡尚非已主宰滋味得
不隨醇醪是以眾人察察口不足我獨悶悶頑
無知方吾醺醺以盃杯爲小正見滄海如池沼
子又作詩勸我醉如泥得非亦以憫俗爲勝耽

贈余純臣通判

人如玉如蘭荃元是水晶宮裏仙
載車海陽未期月士庶一口咸稱賢
請言清人所以賢清人貌莊神凜然
中屆恬夷已自得志意高潔凌雲天
犀珠焜煌照天地清人不爲迂其視金鐘
球聲雜管絃清人不以勞其耳惟視與聽尚不爲
豈肯爲彼囿其意是焉神照無不通豈特視明而聽聰
是非毀譽不立已輕重默與權衡同上閭閻兮下侃侃
和以不同惠而斷自然民物被休賜芬馥不馳而自遠
閩山下士狂且恫二

十八年如萍蓬遇公于茲心膽空教誨念皆
溪裏大論時聞鉤霹靂健句每驚爭化工聽言
觀事潛欣悅不見累旬如歲月作歌笥中時一
闌如對岩岩永蘗節願公保此清人躬古來大
任求明哲

和李天與秀才

西塘老人喚回翁愚憊無他生所鐘簞鼓不聞
非耳聾形器不涉非無蹤盡傷萬類物所蒙圭
璋貝壁矜昂顯瑣屑之私背大公塵埃蔽明荆

塞胸宜厚而薄歟爲豐奚以經濟躋和冲王功

白勳民曰庸勲誰烈烈庸惟同培夷剽奪祈爵

封若人無所用其忠扣天惟茲冀祖宗願一更

改由大通雪霜巖巖有高松羅網密密皆去鴻

此身萬死非災凶生隨螻蟻氣蜺虹共追太古

還醇醲不忍生置爐鼎中聖德如天非世逢迨

茲白髮猶顛侁圭刀爲活羣賈備何乃紫木臨

身官地不愛寶人來共威儀黨黨君子風袖中

球琳來相從手搜明珠心益恭偉哉斯人空不

空其中宏溪外雍雍淡交庶幾寧鄙裏箇中自
古無蛇龍

上知郡承議

至樂之性長自餘世物莫得而榛蕪陰陽變化
在舒慘千里豈足勞建除憶昔僭侈擅一隅瓊
宮貝闕粧金珠穷奢極糜相傾奪所不可道矧
可書天清地寧聖神出蕩蕩一化溥太虛頽基
故址盡荒艸往往狐兔來爭居魚書虎符若郵
傳幾人到此畱安舒譚公賢明大國後寶璫豈

璧書齊丘儉化論譬如論海先河渠千古興亾
一端夢逍遙巾氅日裕如有客登亭見施談笑
殺瑣瑣誇瀛壺

連州斛嶺寨井

斛嶺寨行雲際下視長江入地底汲江登嶺行
三里躋扳峻險爲艱爾將率居民幾半千度歲
終年苦無水爰自慶曆達元符循舊安常誰擬
議元符太守何公賢愛民慮事誠而至以爲山

頂流泉鮮其事吾觀古人行師動萬億所至豈
必皆平地軍必有井井未達將渴不敢聞衆耳
陰陽者流以水照星星之所聚泉所委行行浚
鑿三日遇泉井成矣乃今三井如鼎趾豈特當
年負瓶揀綆僮僕往還之人爲慰喜吾欲後之
人知井所以起敬守前功無委圯必使甃砌長
如今日之清泚萬萬斯年施何已故作此歌勒
諸斛嶺之市

苞苴行

苞苴來苞苴去封書暴信不得往君不見其
之下有仁人室無杯噐以手捧水不頷風瓢掛

高樹

五七言律絕

陳元叟清軒

塵空軒戶誰標似水名物訛空自汨人性本
來清天上雲藏月人問石褱英雲開與石裂精
瑩自分明

季冬桃花

西華先生集卷之九
真宰終無妄元和豈有偏如何洞天蓋開向雪
花前遊騎雖然闋紅芳亦自鮮惟應祝融氏偷
竊詭餘年

次韻嚴巨孟

俠也生來拙論才寸不通趨時慚寡術守古又
無功永日書千卷閑宵月數峰惟期賢者遠遂
閣見開通

俠也荒唐學文章愧古風誰將覆醢醢子謂近
况虹去聖雖云遠微言信可宗期君振頤

典嗣前功

俠也愚而已奚稱忠與剛未能安社稷自合竄
炎荒國以民爲本仁當生不傷君其明辨此萬
里在飛翺

和孟堅二月晦同出城

花柳接重圍三分破二春江梅初弄雪壟麥旋
收新纓縹嗟塵事農桑羨野民暫陪遊樂乘此
日是何辰

城中未必悶出郭喜還生濃淡山原氣高低溪

澗聲鳴棊振幽谷把酒聽流鶯踈曠還隨分何
須學步兵

瑞像閣同楊驥雪夜飲酒

濃雪暴寒齋寒齋豈怕哉書隨更漏盡春逐酒
瓶開一酌留孔孟再酌招賜回酌酌入詩句同
上玉樓臺

和荆公何處難忘酒詩

何處難緘口熙寧政失中四方三面戰十室九
家空見佞眸如水聞忠耳似聾君門深萬里安
得此言通

和叔繁滄浪亭

高亭殖殖水冷冷笑指鷗鳧坐晚汀遠不聞聲
千櫓去矯如爭秀數峰青烟雲恣朙紛紛雨露
月兼葭點點星最好歸輿擁雙壁笙歌燈火照
仙屏

題仁王橫山閣

案俯橫山跨海來拂雲高閣爲誰開荒溪古木
閒猿洞明月白沙空釣臺曉日東峯龍天矯秋

風西峽鳳徘徊居然靜卧江南岸天塹
亦壯哉

次張子京遊天王湖作

湖上遲遲不忍還談玄清徹幾重關旋嵐野馬
皆歸靜逝鳥潛魚各自閒墜果露巢秋後樹淡
烟斜日晚來山吟情到此何終極注目紅雲紫
霧間

同子忠上西樓

偶因送客上西樓其愛佳城枕海陬雁超人空
巷陌犬牙商舶數汀洲風吹細雨兼秋淨雲
滿踈星帶水流獨有單親頭早白迢迢東望不
勝愁

次韻陳秀才告別之作

行橐蕭蕭又出門豈應踪跡溷東園詩書無地
人間世山野有亭江上村幾許春秋由白髮誰
能枝葉事閒言行矣吾衰今已矣獨將清夢到
乾坤

示廬山寺勝老

寶鼎當年未結丹
幽棲曾此掩柴關
羽斝欲化乘風馭
梵錫應留解虎環
僧臥碧雲皆壽考
鶴迷華表幾時還
好應月白長廊下
澗水無聲人自閒

次韻子京早春雨中

花草迎春意已嬌
霖如膏雨復連朝
昏雲暗霧饒慵困
跡李殘梅共寂寥
惟有河陽遊約近
能令園澤睡魔消
看青陌上千紅紫
只好公孫日解貂

贈陳通其致仕願壽軒

七十退休人所共
一生清苦獨推賢
枝棲腹飲知安分
骨聳神清合永年
靜引兒孫黃卷下
閒馴龜鶴小池邊
恬夷益得冲和力
無病無憂一地仙

送林六秀才之廣勸其早歸

無情烏兔兩相追
歲月蹉跎一箭飛
解報劬勞能幾日
可堪容易曠慈闈
須知楚國千鍾粟
不直萊庭一綵衣
我念松楸心獨苦
故知吾子不

西華先生集 卷之九
如歸

次孟堅初冬晴和見梨桃二花作

十月南天尚暑襟幽花何怪動清吟半扉素蓋
呈修徑幾朶天紅出茂林地借小春回暖氣日
勻踈影轉輕陰惟應幕府多才俊不負行臺醉
賞心

次張君舉秀才

長風清洒翳天塵捧出重光耀世輪龍袞未溫
當晨坐鳳書先軫向隅人一緘符命來差緩因
尺先墳夢已頻衰老將何報明主雪霜柯幹艸
萊身

題願軒

達人取次纔佳宜滿酒清軒聊自願垣果砌花
堪咲語牖風庭月共希夷滿堂虛白琴三弄竟
日醺酣酒一卮別有工夫畱客住時時談笑出

新詩

次韻環翠亭

天圍湖海淨團圞水色山光四座寒暗結濃陰

西坡先生集卷之六
三十三
森萬木靜舖遙碧擁千巒共斟綠醕看浮蟻遙
見孤舟下遠湍是處烟雲有佳隱崎嶇長道太
無端

仲常龍畚自廣中移師閩

節鉞依前向釣臺祥烟喜氣兩嵬崔民思父母
無窮已天借星辰有去回千里袴襦還衆暖三
山樓閣爲誰開須知道路先騰說又見清涼古
佛來

次張漢公言懷

人言漆漆竟何營只爲頭利曲名千里瘴鄉
吾逐客一簞窮巷子書生文章相誤終須別寵
辱無關自不驚贏得白頭閑處坐一竿風月有
誰爭

次韻太守仁智堂

堂下玻瓈看碧瀾天邊圖畫指層巒崔嵬切漢
星辰近清泚照人毛骨寒已嘆神明傳政化仍
觀慈惠展盃盤尊前不爲扶衰病敢惜醜顏勝
渥丹

次韻春登樓

公餘閒步古城巔
遲日和風暇
豫天花引嫩芳
迎曉露柳垂輕絮
拂晴烟一尊椒桂
除三品千室謳歌
在五絃紅紫正爭春
又半斷崖荒塹艸
芊芊

幽居

蕭條深巷寄門墻
城郭村居事異常
石展地衣三藥徑
錦圍天柱十花橋
幽禽隔樹鈎膠語
草搖風合和香不覺冬
歸與春到但知無事日
偏長

次韻李天與張溫夫

年來年去一衰翁
幾不能言但守中
每嘆善交如管鮑
那知所得並衎雄
直教顏巷人難處
祗願融樽酒不空
自古英賢有窮達
誰能朋友謝磨礪

辭謝諸相知見招

蓋倚羸肩汗滿鞵
晨饗夕燕未曾休
盃盤狼藉君雖厚
僕馬疲勞我亦羞
淡淡交知猶可久
區

區口腹不須謀還能收取筵中費遍使飢窮飽
暖不

上蘇端明

聞說天南受賜深傳方施藥每揮金看天風捲
樽前態妙國胸懷枕上心草木亦蒙銓品力山
川難載頌歌音如今收拾知何用衣被率夷有
傳霖

昔向東坡覽古文長嗟簡策鎖風雲那知日月
歸元首立見夔龍遇放勸夷夏生靈真久困聖
賢膏澤有前聞幘幪天地期功業妙畫奇書請
管焚

辭方公悅

又承尊酒細論文日日樽前得未聞憐舊直忘
趨走賤有疑俱向笑談分心緣明德懷高屏日
爲偏親斷遠雲明日迢迢東郭路未行離思已
紛紛

次韻清溪樊主簿

欲致皇恩浹羽鱗天涯地角盡如春當年款款

曾忘死今日區區肯患貧正以庭闈安梓里誰
知寃慶達楓宸海邦一見如疇昔心膂相知亦
宿因

次韻余純臣通判球瑯軒

聳翠凌空不少盤回環使宅對千巒高華誰爲
球瑯闢勁節相怜霜雪寒引得鳳來緣有實化
爲龍去始堪看桐廬寂寞烟雲暝惆悵無人近
釣竿

次韻余倅龍碧軒

萬龍齊幹擁高牙占盡幽奇只一水分微
開細路單將餘碧入江沙靜籠簪玉朝雲
到盃金夜月斜賢守二車真可畏尊前詩筆太
豪華

次韻廣州梁有爲秀才

孤直惟知不愧天飄零無復記流年學從鄒魯
已如此貧甚顏原亦浩然乞食偶隨持鉢老入
城因訪跨羊仙真人到了扶真道手付瑤臺刻
玉篇

煙雨樓

層梯疊構倚穹蒼
煙雨江山見渺茫
人是神仙來鎮守
物隨時節亦循良
靜鋪紫翠資吟興
時作霏微助歲穰
豈比啼猩兼嘯鬼
浪將愁恨向瀟湘

仙人居處卽蓬宮
更作層樓峭倚空
羣岫西來烟漠漠
大江南去雨濛濛
花鏢柳策熙怡裏
耘笠漁簑笑語中
別有夜楹千里月
凭欄清興與誰同

示湖州姝子

八人兄弟三人在
獨立他州信汝賢
直使無情如槁木
忍看垂淚念南遷
從今依舊歌泉水
何物偏宜寄謫仙
美酒年年須百甕
好從南海便乘船

次韻子京下元雨過對月

年雖小歎俗安蘇
小雨時時濟旱枯
天爲下民成晚霽
月將三五上東隅
星如青女臨銀鏡
人似寒冰在玉壺
想是庭前吟望久
豈殊雲外一

輪孤

元符放還謝英守何智翁

僦屋平山至典衣來時便作十年期豈知未報
歸餘閨早有潛吟送別詩聖主恩仁天地力明
公憐念父兄慈征鞍擬待春和煖催促行裝願
少遲

和子京霜字見寄

秋深園圃雖無雨晚歲頭鬢自有霜身事無功
且人事酒囊餘地乃書囊寒鴉嘯侶鳴喬木
蝶成圖過矮牆對此每思良友伴幸時來訪泥
愁腸

次韻趙資道秋夜聞角

蕭索秋城五鼓前月臨殘夢正團圓彤樓一曲
梅花落玉枕誰家繡帶連歌酒梁園人散後弓
刀秦戍鴈南天一般淒咽西風下轉展空牀夜
不眠

次韻知郡登高言懷

莫向天涯說故鄉人身不似鴈隨陽黃花滿手

空佳節千里有懷如寸腸爲許功名酬聖代不
須愁緒付瑤觴男兒不是閨中物生則桑弧射
四方

次韻杜幕春日

平明驅馬出城東馬上知君興莫窮淮曲山川
三月路春光桃李萬家風酒腸寬處浪吞海詩
思狂來幾擊鐘何事青絲正漫髮擬將漁釣約
溪翁

次韻張節特以再任爲賀

再官庠序爲寧親立道惟憂歎泗濱若說佞
求利達便居廊廟亦沉淪環惟書史何如樂得
是英髦信不貧如子才豪猶未第每思冥晦避
通津

次韻子京述懷

桑海有涯殊浩蕙風無動任飄飄莫窮興廢
千年事但看盈虛兩信潮方聽民間歌道化何
爲天際想歸橈當知得意無南北隨向生成似
玉杓

和英州太守何智翁次韻馮仲禮麻江橋
疊石梁空太守賢一年功力倍千年惠從今日
流終古智是當時決九川有競輪蹄何雜沓無
情風月亦流連紅燈熠熠三更市從此吳江不
直錢

一帶危橋接市廛春成冬壞幾多年誰驅巨石
如填海化作長虹下飲川白水曉寒孤洞香紅
燈夜午萬珠連清風明月如堪買且問如今直
幾錢

韻張耒見贈

鳥鵲蟻有君臣此義如何易世塵欲爲無窮
宗社計肯憂如幻灰生身八千江上奔馳路十
二天南黯淡春歸到親闈捧杯酒始知終是福
唐人

觀碁五言排律

三百六十路通精此有門數竒藏日月機發動
乾坤對面知爲敵渾輸却有翻詐貪常易喪仁
守乃長存隻子如輕用全功更莫論就令投險

勝寧抵被圍奔縱得四方盡寧同一腹尊傍觀
饒好着當局奈嗔言慚媿中孚信幾危大壯藩
坐觀成敗者安得不驚竄

謝工部徘徊堂七言排律

高堂增藹廣幽齋鑿破青青遍地苔雲入洞房
疑有乳月宮踈曠若爲開路無荆棘皆新闢砌
得芝蘭是舊栽流水聲中迎送屐綠筠叢下獻
酬杯蓬生不爲休慮齊物元由悟本來終見
東山報重起未登 乘且徘徊

五七言

集明渚

主人無機心兕虎皆可入君看小渚中豈特羣
鷗集

忘機亭

鳧鷗近隼旃亭陰戲魴鱒我自無機心忘機成
戲論

孤嶼亭

峯巒何迤邐天際相依倚如何是孤嶼獨立澄

明稟

芳芷亭

澄流良湜湜幽藻還漪漪不是采蘋手芬芳長
自持

讀史

亂亡由佞舌覽古每嗟吁擬刻姦諛像申明兩
觀誅

論誠

萬事以誠立不誠心不專誠心非鐵石鐵石被

誠穿

和蔡公上巳

愷悌侯藩修禊事風流草木薦天香使君喜
民行樂擬築春光作舞場

閉戶

居然訟息愧王通反閉柴門亦古風幽鳥一聲
庭日永軒窓從此近盧仝

漁家

月滿平湖夜漸深浩波千頃蕩黃金不知世有

榮華事何至中藏喜惧心

見遠亭

天邊毫末見千峯景物都窮見不窮因念當時
小天下亦如亭上老仙翁

大水除廳前小屋

庭下新來不掩門洒然無復舊時喧小鋤輕瓮
從茲起無補清時合灌園

宴十五約重陽飲患無登高處

道義相歡勝飲膠况添流雪見承糟卧籬一醉

陶家宅不是龍山趣也高

出御史臺

萬險千艱六出身如今也得避囂塵須知從此
寒原上有個行歌拾穗人

道中見以索穿五六十人監理錢者

可憐平地不生錢稚老累累被索連困苦新圖
誰畫此祗愁中禁又無眠

題靈峯平步亭

天險嘗聞不可升人聞危墜更難名欲知平步

亭中意平得心來處處平

謾成

渠雖古意元無取詩近虛名亦懶吟不是將心
就無事都緣無事可關心

西塘先生文集卷之終